



10810

宋李忠定公文集選目錄下

卷之一

詔 國書附

賜夏國主詔書

起防秋兵詔

與金主書

勅榜詔

戒諭武臣詔

撫諭河北河東詔

勅榜獨留中原詔

李忠定公文集

目錄

戒勵士風詔

戒諭監司按察州縣詔

戒諭帥臣修飭邊備詔

卷之二

書

與鄭少傅書

與中書馮侍郎書

與梅和勝侍郎書

澧陽與許崧老書

海康與許崧老書



泰寧與許右丞書

四首

卷之三 泰寧與許右丞書

書

澧陽與吳元中書

書 附吳元中荅書

卷之四 又荅元中書

桂州荅吳元中書

象州荅吳元中書

書 桂州荅吳元中書

卷之五 懷澤與吳元中書

李忠定公文集

卷之四

書

再與吳元中書

雷陽與吳元中書

卷之五 荅元中書

書 附吳元中荅書

與向伯恭龍圖書

書 與周元中書

卷之六 與秦叅政書

與呂相公書 共十四首

與蔡和書 共十首

與程給事書 共四首

與馬總管書

卷之六

書

與呂安老提刑書 共六首

與折仲古龍學書

與潘子賤龍圖書

與政府書

荅錢遜叔侍郎書

手忠定公文集 八目錄

與潘子賤龍圖書

與李泰發端明書 共三首

與呂安老龍圖書 共四首

與趙相公書

與趙相公書

與張樞密書

與趙相公書

與呂安老檢正書

與趙相公書 共六首

卷之七

書

與張相公書 共二十一首

與李泰發端明書

與呂安老書 共四首

與張子公舍人書

與陳國佐司諫書

與岳少保書

與張龍圖書 共三首

本啓

賀趙相公啓

李忠定公文集 目錄

謝宰執復大禮文啓

卷之八

序

易傳內篇序

易傳外篇序

釋象序

明變序

衍數序

類占上序

類占下序

靖康行紀序

送陳淵叟遊廬山序

乘閑志序

夢志

災異志

證兆志

預備志序

書檄志

事宜志

李忠定公文集

目錄

卷之九

序記

漢唐三帝紀要錄序

小字華嚴經合論後序

重較正杜子美集序

古靈陳述古文集序

類編建炎制詔奏議表劄序

送丹霞宗本遊徑山序

中興至言序

拙軒記

寓軒記

蘄州黃梅山真慧禪院法堂記

武威廟碑陰記

邵武軍泰寧縣瑞光巖丹霞禪院記

卷之十

論

災異論

朋黨論

制虜論

禦戎論

李忠定公文集

六

卷之十

理財論上

理財論中

理財論下

卷之十一

論

論骨鯁敢言之士

論君子小人之勢

論君子小人之分

論天人之理

論兵機

論共患難之臣

論郭子儀渾瑊推誠待敵

論主之明闇在賞罰

論封建郡縣

論方鎮

論兵

卷之十二

論

論節制之兵

論將

李忠定公文集

目錄

論唐三宗禮遇大臣

論唐德宗任陸贄

論節義

論忠孝

論荀彧

論與夷狄同事

論盜

論變亂生於所忽

論西北東南之勢

論孔文舉

論治盜賊

論形勝之地

論范蠡張良之謀國處身

論秦隋勢之相似

論天下強弱之勢

論用兵

論料敵

論交深

論史

卷之十三

李忠定公文集

目錄

八

下

贊

洪崖先生畫贊

梁溪真贊

瑞光岳立化雀贊

天王院新塑釋迦像金色珠贊

富鄭公畫像贊

龍眠居士畫十六大羅漢贊

共十六首

頌

淵聖皇帝題十八學士頌

銘

直九銘

方杖銘

多言人銘

潛菴銘

傳

武剛君傳

方城侯傳

卷之十四

雜文

桂齋上梁文

李忠定公文集八目錄

荅賓勞

釋疑

華山辨

戒貪

書事

書僧伽事

書杜祁公事

書韓魏公事

書曾子宣事

卷之十五

題跋

皇帝御筆詔書記

道君太上皇帝賜宋喚御書跋尾

靖康皇太子學書跋尾

跋了翁墨蹟

書杜子美魏將軍歌贈王周士

跋了翁書杜子美哀江頭詩

跋了翁自跋敢癡論後

書襄陵春秋集序後

書寄崧老易傳後

李忠定公文集

目錄

十

十一

跋歐公書

跋司馬溫公帖

跋顏魯公與柳冕帖

慶餘長老開堂疏跋尾

唐子方林夫送行詩章表跋尾

跋張穉仲樞密遺藁

哀辭祭文

蕭子寬哀詞

劉仲偃大資政哀詞

弔國殤文

祭陳瑩中左司文

祭黃大資政文

祭許松老文

卷之十六

墓誌銘

追復龍圖閣直學士領開封府事贈少師錢

公墓誌銘

秘書省秘書郎黃公墓誌銘

直龍圖張公夫人黃氏墓誌銘

卷之十七

李忠定公文集

目錄

十一

賦

含咲花賦

梅花賦

詩 赴沙陽謫所作

松江第四橋

雜興

雜賈

田家

嘉禾道中遇夏侯子陽

初到臨平見山

小雨

靈隱宮士

自晒

渡浙江

桐江行贈江致一少府

偶題

江南三詠

鶯湖昌長老詢予來歷以詩答之

趨真亭

遊仙溪

李忠定

公文集

目錄

十二

兜擔石

學堂巖

船塲岫

鷄窠岫

仙機岫

折筍岫

仙竹

泛舟至晞真館遇雪

訪李道士

記舊夢

有序

題樓真館三十六韻

劍浦道中

春詞

梅花

春雨

春意

春晝書懷

次韻志宏見示春雪長句

志宏以牡丹見遺戲呼牡丹為道州長詩以

報之

李忠定公文集

目錄

十三

戒酒

岳桂

志宏送岳桂并惠長篇求予賦詩次韻荅之

寄內

戲成短歌從志宏求芍藥

志宏供芍藥且以詩來再賦前韻

子美

太白

六月十八日同陳興宗鄧成彥鄧志宏早會

凝翠閣晚遊泛碧齋

十六日汎舟

次韻湖陰曲

次韻東坡四時詞來次其韻

荔枝詞集句

松架敞以新枝易之

白鷺

次韻丹霞錄示羅疇老唱和詩

次韻和李太白感秋

中秋孕月次玉局翁韻

又次韻中秋長句

李忠定

公文集

目錄

十四

桃源行

秋思

傳畫美人戲成

傳畫忠義圖

得家信淮南飛蝗渡江入浙歲事可憂感賦

乘汎碧齋至北溪口觀新橋與興宗志宏分

題予得汎字

志宏得碧字以詩來次其韻

凝翠閣晚望

秋意

得了翁書并寄石芝云其味初淡中苦已而
大發其鮮有知此味者感而賦詩

卷之二十八

詩

自沙陽放還作

次韻和歸去來集字

奉酬陳之元教授見贈次韻

題黃亭驛四十里風簷竹成云水草綠各道

武夷行 有序

自分水嶺過江南

望龜峯

李忠定

公文集

目錄

十五

下本

江行 池陽至銅陵

銅陵阻風

題護法寺瑛老默堂

自銅陵行四十里風復作泊江北岸地名散

潭屬淮南 潭對且獻水清

夜坐

次韻和淵明形影神三首

春文雙鳧

次韻茂載海陵寓居有感三首

贈虞公明察院

自海陵泛江歸梁谿作

次韵上元宰胡君俊明與蔣山勤老唱和古

風

得吳元中書言近不侑詩以所著幽七月詩

大義見示因作此贈之

題伯時明皇蜀道圖

題邵平種瓜圖

唐植甫左司許出示所藏紅絲硯輒成短歌

奉呈并簡顧子美

次韵子美提舉許雪中見過之作

李忠定公文集

目錄

十六

寄毛達可內翰并錄送魏公別錄

同似表叔易置酒平山堂

卷之十九

詩 罷相後及謫鄂渚作

九月八日渡淮

次韵季弟善權阻雪古風

善權卽事

寓寧國縣圃中桃李雜花盛開感其所遭援

大筆賦此

詠艸

黠歛道中六八獻牡丹千葉有盈尺者爲賦
此詩

望廬山

五老峰

歸宗寺鸞溪

戲賦墨畫梅花

兜率寺

三溪寺

過苦竹嶺

次通城送季言弟還錫山

李忠定公文集

目錄

十七

寄王周士

寓居通城僧舍東軒池蓮盛開竹菴珪老有
意見過戲贈此篇

張子公以圓鑑見寄作詩報之

飛雲

落葉

西風

卷之二十

詩

建炎行 有序

秘夜有曉

卷之二十一 聞山東盜有所謂丁一箭者擁數萬衆臨江
破黃州官吏皆保武昌江湖間騷然未知
備禦之策感而賦詩

松風

淵聖皇帝賜寶劍生鐵花感而賦詩

胡笳十八拍

有序

重陽日戲集子美句遣興

趙叔薄運判見示宣和御畫二軸其一馬舉

足奮迅將起其一兔正面踞地齧艸皆絕

李忠定公文集

目錄

十八

去筆墨畦徑意態如生精妙入神伏觀歎
息感慨因賦詩以贊揚宸翰且敘小臣悽

正憤之情云

摘鬢間白髮有感

冬日閒居遣興六首

食橘

得報以謫降官不許同處一州自鄂渚移居

澧陽有感

卷之二十一

詩 在湖外及謫海外作

自蒲圻臨湘趨岳陽道中作

鼠鬚筆

深省軒在丈室之西余爲名之

見報以言者論六事其五皆靖康往故其一

謂資囊士人上書以興復用謫居海南震

懼之餘斐然有作

桂林道中作

山月驛聞子規次韻

道陽朔山水尤奇絕舊傳爲天下第一非虛

語也賦此

李忠定公文集

目錄

十九

象州道中

伏讀三月六日內禳諭書及傳將士榜檄慨

山王室之艱危憫生靈之塗炭悼前策之不

從恨奸回之誤國感憤有作聊以述懷

含笑花

荔枝

恭聞詔書褒悼陳少陽賜官與一子恩澤賜

緡錢五十萬感涕而賦

次地角場以瘡瘍不果謁伏波廟俾宗之攝

祭期以二十五日渡海一十卽吉夜半乘

潮解桴星月燦然平旦已達瓊管東坡謂
斯遊竒絕冠平生非虛語也

南渡次瓊管江山風物不殊民居皆在檳榔
木間黎人出市交易蠻衣椎髻語音堯離
不可曉也因詢萬安相去猶五百里僻陋
尤甚黃茅中艸屋二百餘家資生之具一
切無有道繇生黎山洞往往剽劫行者必
自文昌縣汎海得便風三日可達艱難至
此不無慨然賦此紀土風志懷抱也

次瓊管後三日忽奉德音恩許自便感涕之

李忠定公文集

目錄

二十

餘賦詩見志

北歸晝渡海風便波平尤覺竒絕

雷廟讀丁晉公所作碑

謁寇忠愍祠堂

立春日龍化道中得家問諸弟已挈家渡浙
江如劍川又聞江西頗有羣盜嘯聚遂決
意繇五羊趨循惠潮陽假道閩中以歸時

前十二月十九日

久不飲酒春日得家問喜甚與宗之對酌調

馬驛中連飲數觥徑醉醉中和東坡醉題

寓瓊山遠華館一夕夢遊山間小堂松竹環
合有道士坐堂上誦李太白送人桃李園
三序中有良田名池竹果森然三十六洞別
爲一天之語覺而異之今假道容惠當遊
勾漏都嶠白石羅浮皆洞天也豈神者先
告將有所遇耶賦詩以紀之

南遷道鬱林郡守王君示古律詩一篇比歸
輒成兩篇以荅其意

客有言長沙軍變向伯恭能彈治規畫甚偉
適得伯恭書亦道其事作韻語寄之

李忠定公文集

目錄

二十一

蕭懋德秀才自臨江遣人致書海上遇於歸
途賦詩寄之

罪謫海上中州親故罕通問獨虞君祖道相
從湖海逾年比歸同途次容南賦詩識別
宿都嶠山靈景寺

潯守李侯以所蓄法書十軸相示題卷末
清明日得家書

三月二十三日德音至容南恭聞駐蹕浙東
王師屢捷虜騎遠遁是日得諸季書挈家
寓饒之德興幸免驚擾欣忙之餘輒成口

四月六日離容南陸行趨滕山路崎嶇然夾道皆松陰山崦田家景物似閩中殊可喜也賦古風一篇

江行卽事

自晉康順流六十里有山巉然臨江下有岩

洞可容千人軒豁平坦景極幽邃石罅間

滴泉厥味甘冽因目之曰玉乳岩賦詩以

紀其事

江上晚景

李忠定公文集

目錄

二十二

蚊

端石硯

望白水山次合江樓韻

泛舟循惠間山水清絕遂成口號

夜霽天象明潤仰觀有感成一百韻時歲在

斗熒惑在氐微甚辰鎮陵犯于翼軫間夜

半斗杓轉占帝座未明台星尚拆去

早行

通衢驛夜坐有感

詩 比還道中及抵泰寧後避地長樂作

循梅道中遣人如江南走筆寄諸季

宿興寧縣驛

次韻申伯見贈

送季言第還錫山省先壟

冬至後四日修供羅漢岩因訪丹霞本老漫

賦

上元日同王豐甫葉夢授會飲

聞建寇逼境携家繇將樂沙縣以如劍浦感

賦

李忠定公文集

目錄

二十三

次沙陽留題寓軒

留題凝翠閣

追次東坡和鬱林王守韻

次韻周元仲見寄

遊鼓山靈源洞次周元仲韻

季夏之初自安國遷南臺天寧寺依南山而

火面比暑氣尤盛暇日望山頂松林鬱然意

必有異因穴垣鑿磴以造其上形勢坦平

風日清美四顧山巒環合江湖往來景物

不可模狀月出林表清光更多夜久闐寥

殆非塵世作古詩二十韵以紀其事奉呈
巽達元仲

秋日奉陪王豐甫許子大康平仲遊賢沙宿

鳳池登昇山偶成

以舊賜戰袍等贈韓少師

并序

蒙恩除荆湖廣南宣撫兼知潭州具奏辭免

宣撫荆湖及罷歸長樂并制置江西及歸後作

五月六日率師離長樂乘舟如水口

次昭武省祖瑩焚黃因會宗族

八月十一日次茶陵縣入湖南界有感

李忠定公文集

目錄

二十四

次衡州

馬友餘黨步諒等以二萬衆自江西寇湖南

破醴陵攸縣屯於衡山縣界得報卽走衡

陽率師次衡山遣兵將夜渡江晨叩其壘

賊出不意悉解以降放散驅擄老弱外得

精兵七千人分隸諸將漫成口號

初八潭州

余行次衡陽彈壓曹成七萬餘人出湖南境

移師衡山降步諒二萬衆既入長沙次日

卽遣師降王進三千人於湘鄉縣七星寨

復破王俊三千人于邵州其餘羣盜以次
討定凡五萬餘選擇精銳得萬二千人分
隸諸將境內遂安流移歸業亟上章復丐
宮祠未報間聞有旨廢宣撫司及以言者
罷去有感

長沙有長江重湖之險而無戰艦水軍余得
唐嗣曹王臯遺制創造戰艦數十艘上下
三層挾以車輪鼓蹈而前駛于陣馬募水
車三千人日夕教習以二月十八日臨清
湘門按閱旌旗戈甲一新觀者如堵成五
絕句以誌之

李忠定公文集

目錄

二十五

初去長沙有感

自長沙至醴陵道中田皆墾闢道旁有築室
而居者

自水口汎舟如長樂

周元仲來自湖外傳示崧老贈東林珪三友
篇讀之慨然因次其韵

附許崧老三友篇

西軒小池荷花盛開與賓客酌酒其上以荷

爲杯引滿徑醉

詠懷

諸季招客遊東山置酒賦詩以病不果往次

其韵

送李似之舍人歸連江舊隱

題唐氏所藏崔白畫雪中山水

與叔易奕不勝賦著色山水詩一篇

題劉仲高提刑所藏文與可墨竹

庭中醑醕盛開二甥以詩來戲和其韵

送錢申伯如邵武

茅齋成乾元珪老以拄杖斨牛拂見遺

李忠定公文集

目錄

二十六

次韵李似宗見示小圃之作二首

殘臙雪再作二首

再次前韵

趙都漕出示魯直少游所書梅詩次韵

冬日來觀鼓山新閣偶成

還自鼓山過鰾溪遊大乘榴花洞瞻禮文殊

哭宗留守汝霖

卷之二十三

靖康傳信錄上

卷之二十四

靖康傳信錄中

卷之二十五

靖康傳信錄下

卷之二十六

建炎進退志上之上

卷之二十七

建炎進退志上之下

卷之二十八

建炎進退志下之上

卷之二十九

建炎進退志下之下

李忠定公文集

目錄

二十七

右忠定公奏議十五卷詩文集二十九卷前明萬歷
戊戌進士李皞如先生從中秘鈔出攜歸擬欲刊布
未果其子又互繼成厥志鏤版藏家洊經兵燹原版
殘失過半又互冢孫克念出贅於廖若采先生盡輦
其版藏於婦翁家廖先生故予先君執友雅器重予
因得時嘗過從間指架上殘梨齧棗曰此李氏兩世
精神也輒太息久之歲庚辰先生疾篤予踰跟走視
至則先生猶強坐起榻上執予手曰八十餘生自分
絕久矣然彌留不去者以待子也吾嘗手散千金顧

忠定公集爲未了公案若付託不得人目且不瞋表
彰之任是在吾子言訖老淚長流予泣而許之嗣是
予下帷山中戶外事一切謝絕獨茲事未能去於懷
前後凡購得三集其一得諸吳子聚和闕奏議二册
最後得二集於朱子爾則其一集闕二册其一集闕
四册合三集乃成全書今春杪科試抵樵詰於

學憲沈公 罷伯魏公暨諸 當道咸可其請又得

一二同志攸助始募工繕寫次第補綴三閱月而工
竣較對無訛完好如舊惜廖先生不及見也嗚呼賢

臣君子其勲業彪炳史册其姓字昭垂天壤其文章

李忠定公文集

二十八

自有鬼神呵護存於劫灰之餘不可得而漸滅者然
則是舉也非徒成克念先人之志不負廖先生之託
也忠定公之靈實式憑之集成因附錄其大畧如此
康熙四十四年七月朔綏安宗後學李榮芳識

予重刻前明李暉如先生元居集工竣旋有以李忠定公文集印板議質者予喜以十金售之既而思此集乃先生父子生平精神所注豈感予刻其集故以是售予欲補綴殘缺以歸完好而傳於世歟先是乾隆丁丑秋邑令韓公開局修志舉予爲首予閱前壬子藝文志載李又元忠定公集序文理斷續不倫後讀又元息軒集乃知修志者誤以選例四則爲序而序別有文一篇括盡忠定公生平經濟推原用與不用之故洞見當日廟堂至隱激昂慷慨令人讀之感嘆而不能已今予得是集檢閱卷中以失此序爲

李忠定公文集

二十九

恨時明經謝周五前輩令孫恩波館予舍以家藏孝廉李桂馨印本見示首朱子序次左令公光先序次又元序孝廉又於集中目錄後序其得板始末知孝廉采集補綴之功偉矣今集皆削去殊可怪也因照孝廉原本補刻三序而忠定公集復得完好如舊此何莫非皞如先生父子在天之靈默相是集不忍殘缺故使見售于予爲之補綴以傳於世豈偶然哉豈偶然哉乾隆二十七年孟秋朔綏安後學徐時作謹

識

宋李忠定公文集選卷之一

皖桐左光先羅生選

宋 李綱伯紀著

胡 宗人李春熙皞如輯

宗裔李嗣立較正

詔

起防秋兵詔

靖康初虜騎出境朝廷恬然以為無事防邊禦寇之策置而不問公

竊憂之與同知樞密院事許翰議於上前謂今秋敵必再至宜預詔天下起兵防秋為捍禦之計上命詔諭諸路安撫總管鈐轄司

朕初嗣歷服遭時艱難犬羊之羣敢肆陵侮侵犯邊

李忠定公文集

卷之一

一

境達於都畿賴宗廟社稷之靈賢士大夫勤王將士之力用克捍禦而倉卒之間輔臣失計割三鎮以賂之天啓朕心斥去奸回決策堅守今者重兵尾襲賊騎遁逃朔部無虞與天下同慶然而虜情狡獪未有所懲秋高馬肥慮復侵軼非以虎符起天下兵控扼邊陲蕩攘羣醜則何以震懾狂虜奮張國威以定中興之業詔到仰諸路安撫總管鈐轄司各下所管州軍遴選將佐訓練正兵總填闕額繕治器甲儲蓄芻糧預備軍須以聽朕命夫一歲之間而再動師旅良非獲已矣據大憤茲惟其時故茲詔示想宜知悉

賜夏國主詔書

靖康元年金人犯關夏人亦起兵鄜延路繳進夏人檄書上命

草詔賜夏國主解其意以慰撫之

詔夏國主朕居春宮十有餘載勿敢怠逸四方所聞道君太上皇帝享國日久厭萬機之繁爰議內禪朕辭不獲命遂登大寶深惟祖宗基構之隆上皇付託之重夙夜兢惕懼不克任而金人不道乘郭藥師背叛之故陷沒燕山俶擾邊境達於都畿肆爲貪殘劫質以往永念卿屏翰之舊信誓皎然義當戮力同濟艱難以敵王愾而陝西奏報乃言卿國黜集重兵五路深入攻陷城堡殺傷兵民朕惟卿明允篤誠世濟

李忠定公文集

卷之一

二

忠孝主於西曆藩屏帝室多歷年所英聲流聞今至於茲殆朕德弗類嗣政之初未能綏撫之所致也西顧悵然良自傷悼及得鄜延路帥臣章疏繳到卿國檄書公牒省覽再三乃知搆兵起於誤聽檄書初言中國失德數事皆曩時大臣誤國上皇已降詔書深自悔悼今朕克已求治以儉先天下凡淫巧奢麗之具一切屏去蠹國害民之臣咸已竄誅前日之事所不復論中言賀正人使之歸所見京城整齷兵甲修治樓櫓疑有奸臣變亂此乃隄防金人之故豈有他哉終言與本朝信誓之久義須救援以此知卿忠義

有素誤聽致此初無他心至於過差之辭朕初不之
舉也公牒言國書之寶與舊不同此乃有司用寶差
誤已重竄責凡茲細故朕既釋然卿亦宜亮夫金人
以叢爾海隅之國背天逆神滅絕契丹遂陵中國淫
暴滋甚使其得志何有於卿哉孤軍深入理當勦殄
朕以皇弟肅王在其軍中第命將士驅逐出境邊城
晏然前遣康隨鄭惟康道意必亮此誠詔到卿宜釋
去疑慮撫諭將士抽廻甲兵修好如故高爵厚賜朕
何愛焉今遣武功大夫王佑武功卽馬持告諭故茲
詔示想宜知悉夏熟卿比平安好遣書指不多及

李忠定公文集

卷之一

三

與金主書

靖康元年幹離不邀割三鎮既退兵三鎮之民爲朝廷堅守誓不從虜上

命草書與虜王道意

靖康元年五月姪大宋皇帝致書於伯大金皇帝闕
下菲德之居東宮十有餘年矣邇者道君太上皇帝
厭萬幾之煩遂議內禪肆及耿躬膺受大寶惟懷永
圖願修隣好而兵革擾攘未遑致問其爲懷企何可
勝陳言念往日遣使海上通兩國之歡信誓昭然金
帛之輸未嘗有缺誠謂世守茲盟無有攜貳而皇子

即君乃据拾細故敗棄舊約因叛將藥師以兵嚮導
虔劉邊陲深入畿甸乘中國之不備遂肆憑陵誠非

所望於善鄰也。城下之盟，蓋緣輔臣怯懦失計，重鎮寶貨一切，惟命皆出。要盟神所不臨，豈復可用而况還師渡河，劫質肅王已復渝約，勤王之師百萬集於城下，將士憤怒，咸欲邀擊。徒以肅王在軍之故，深戒用兵，使得全師以歸。而皇子郎君肆爲淫暴，屠僇良民，係累婦女，焚蕩室廬，不可勝計。緣是之故，三鎮之民皆出死力爲國堅守。雖朝廷號令有所不從此，乃軍前失信之所致也。重念頃者道君太上皇帝與大金皇帝歡盟，相得之厚，旣滅大遼，分燕山之故境以歸中國。累年於茲，中國未嘗得粒粟尺帛之助，而漕運之勞，金幣之費，不可勝計。今燕山陷沒，旣渝前約，又欲併取三鎮之地，使敝邑無以爲屏翰，是豈大金皇帝之旨哉。且皇子郎君雖貴人臣也，坐受本朝宰臣親王之拜，敗盟爽約，妄起兵端，黷貨無厭，求取不已。有一於此，豈人臣之所當爲。敝邑無辜，橫遭屈辱，以大金皇帝之聰睿仁慈，寧不諒此遠特。英明敢以實告前日皇子郎君，割地求賂，廣有要索。敝邑不校，悉皆聽從。彼此非誠，人情不遠，誰不知之。欲尋往日之盟，以結兩國之好，使兵革不用，生靈休息，莫如度其所可行者，重結盟誓，以信守之。管我烈祖真宗皇

帝與大遼盟于澶淵百有餘年未嘗少變天祚失德不可振起乃至於茲大金皇帝儻番英察使燕山歸於大邦三鎮安於敝邑各得其所保茲舊疆信使交通歲幣修好傳之永世爲子孫無疆之休頌不遑敷謹遣使人徃布誠悃儻或見允願示佳音所有黏罕國相軍馬見在河東亦冀召還以篤和好有少禮物具如別錄中夏炎蒸遠祈保毓

勅榜詔

高宗建炎初元

朕以菲德獲承宗祧以臨士民之上屬時多艱未知攸濟慄慄危懼若將墮於深淵洪惟祖宗膺受天命

李忠定公文集

卷之一

五

太上皇帝以憂勤而內禪孝慈淵聖皇帝以恭儉

纂圖適金人之入寇挾詐謀以款師待以不疑墮

奸計神都失金湯之險翠華有沙漠之行二聖旣遷

六宮皆從叔伯弟昆宗室戚屬悉被驅逼禍故之臻

亦古未有是用夙夜震悼朕心念父兄幽辱於虜廷

欄生靈重罹於兵革飲泣嘗膽不遑寧居惟爾四方

士民抱負忠義共伊恤朕躬以其濟於艱難以致安

乎宗社載念行在將士適當隆暑暴露之久尤軫朕

懷當時加犒設州縣民戶募師勤王調發之煩誠可

慕憫當厚與撫循賦歛之厚當議蠲減法令之弊當
議更改潰兵爲盜因間虜掠殘破郡邑雖已降赦令
當遣使招集許令自新賊吏爲奸乘時括克重困吾
民罪不可貸當遣使按治寘於典憲靖康之間忠義
敢言之士或至竄逐當悉召還今日已徃智謀奇畫
之人如能獻陳當悉擢用旁招俊乂竄斥奸回協成
治功以篤中興之烈於虜天下之士大夫未忘我之
祖宗當同心以相扶天下之軍民不願淪於夷狄當
協力以保守國勢旣昌天命益固庶幾鄰敵悔禍奉
還鑾輿則予一人以寧爾亦有無窮之聞不其韙歟

李忠定公文集

卷之一

六

故茲詔示想宜知悉

戒諭武臣詔

建炎元年

朕惟祖宗創業守成垂二百年涵養士大夫至矣靖
康變故仕於中都者曾無仗節死難之士而偷生取
容何其衆也甚者乘時爲奸靡所不至實爲中國羞
公議弗容姑取跡狀尤顯著者量加竄黜以爲臣子
之戒夫節義正所以責學士大夫也至於武臣卒伍
理當闕畧以責後效惟王宗澣首引衛兵逃遁致都
城失守不可不責其餘姑務舍容一切不問咨爾有

衆其體至懷故茲詔諭各宜知悉

勅河北河東諸路州縣守臣將帥忠義軍民朕惟祖宗德澤在民番二百年天下又安靡有變故而宣和靖康以來太上皇帝下哀痛之詔講揖遜之禮孝慈淵聖皇帝以恭儉之德爰受內禪海內欣戴日俟治康而暮歲之間戎馬再侵墮虜奸計但以講和一事終至宗社阽危旣盡取玉帛子女公私財力爲之耗竭乃始劫遷二聖中宮皇族尊幼中外嫫戚以行戎狄之禍振古未有朕以介弟受命總師臣民推戴迫以大義入繼大統重念父兄之辱飲泣嘗膽疾首痛心願與天下忠臣義士共濟艱難而近者使臣來自朔郡審問兩路守臣義不愛生誓以死守賊雖憑恃犬羊之衆敢肆攻圍而能率勵士民屢摧醜虜其忠義軍民等倡義結集動以萬計邀擊其後功績茂著朕甚嘉之夫河北河東國之屏蔽也朝廷豈忍輕棄靖康之間特以金人憑陵不得已割地賂之將以保全宗社止兵息民而金人不道攻破都城易姓改號劫鑾輿以北遷則河北河東之地又何割哉已命遣師以爲應援應兩路州縣守臣及忠義之士如能竭

李忠定公文集

卷之一

七

方捍禦保有一方及糾集師徒力戰破賊者至建炎

二年當議疇其勲庸授以節鉞其餘官吏軍兵第加優賞應稅賦貨財悉許移用官吏將佐悉許辟置朝廷更行量力應副爲國藩屏以昭茂功庶幾中原弭寧生靈休息夷狄悔禍二聖有可還之期則予一人膺受多福爾亦有無窮之聞不其趨歟故茲詔示想宜知悉

勅榜獨留中原詔

建炎元年

朕惟祖宗都汴番二百年天下乂安重熙累洽承平之久超軼漢唐比年以來圖慮弗臧禍生所忽金人一歲之間再犯都城信其詐謀終墮賊計盡取金帛

李忠定公文集

卷之一

八

子女遂邀二聖鑾輿六宮戚屬悉擁以行夷狄之禍振古未有四海臣子能不痛心肆朕纂承永念先烈眷懷舊京潸然出涕思欲整駕還京謂款宗廟以慰士大夫軍民之心而兵火之餘民物如故朕之父母兄弟宗族靡有留者顧瞻宮室何以爲懷是用權時之宜法古巡狩駐蹕近甸號召軍馬以防金人秋高氣寒再來入寇朕將親督六師以援京師及河北河東諸路與之決戰已詔迎元祐太后津遣六宮及衛士家屬置之東南朕與羣臣將留中原以爲爾京城及萬方百姓請命於皇天庶幾天意昭答中國之勢

凌強歸宅故都迎還二聖以稱朕夙夜憂勤之意庶
在京屯兵聚糧修治樓櫓器具並令留守司京城所
戶部疾速措置施行咨爾士大夫軍民體朕至懷無
有疑慮故茲詔示想宜知悉

戒勵士風詔

朕觀古之爲士者何其分義之明而忠厚之至也承
平之時靡好爵享豐祿相與同安榮多事之際不擇
地不苟免相與同患難先王之澤可謂盛矣祖宗涵
養士類垂二百年教以禮樂風以詩書班爵以貴之
制祿以富之於士無負而士之所以圖報國家者不
能無愧於古人日者二聖播遷宗社幾至傾覆而仗

李忠定公文集

卷之一

九

節死難者罕有所聞其故何哉肆朕纂承慨然思任
羣材相與協濟修政事攘夷狄以奉迎鑾輿而士大

夫奉公者少營私者多徇國者稀謀身者衆乞去則
必以疾病爲辭訟檄以自便者相望於道途避寇而

去官者日形於奏牘甚者至假託親疾不俟報而東
下挈家而遠遁夫禮義廉耻正所以責士大夫也所

守如此朕何望焉豈朕初嗣大位所以訓告者未至
歟將士大夫狃於故習而未遽革歟已詔甚失節者
實之極典其次授之遠方爲多士萬世之戒矣其自

今已徃各恭乃職一乃心助予一人克復大業庶綏
四方以匹休於隆古敢有弗率弗迪尚蹈前態在內
委御史臺在外委監司彈劾以聞邦有常刑朕不敢
赦故茲詔示想宜知悉

誠諭監司按察州縣詔

朕祗紹丕基撫有方夏勵精求治興事就功皆以利
安元元爲本深懼州縣之吏不能承流宣化達於吾
民建置監司分道按察或總漕計或司詳刑或掌當
平之政或專學校之法職雖不同而所以按察州縣
其任一也方其出使朕親御便殿以臨遣之及其還

李忠定公文集

卷之一

十

歸復使進對以盡諮謀度詢之義視遇之禮亦已重
矣庶幾德意志慮得以下達而吏之臧否民之利病
不壅於上聞內自畿甸外薄嶺海萬里之遠風流而
令行德洋而恩普吏稱其職民安其業以底太平之
盛而監司未有卓然修舉職事稱朕意者其故何耶
今州縣之間貪吏依勢以侵漁姦吏舞文而巧詆無
宿道向方之志有背公營私之心法完令具布在方
冊而吏情弗虔荒失詔命使元元之民不被其澤良
法美意殆爲虛文而監司曾莫之恤惟以簿書期會
爲急務蔑視寒士摺據細故以塞責而彊禦權勢之

吏賦汗貪藉恬不誰何夫監司朕所以寄耳目之任也失職若此朕何望焉其自今以往各揚厥職按察所部凡姦貪惰慢之吏曠職失守違法害民徇流俗而無享上之心者悉以名聞當議竄黜以爲羣吏之戒其或附下庇姦畏避不舉得於訪聞罪不汝貸故茲詔諭想宜知悉

誠諭帥臣修飭邊備詔

朕撫有方夏救寧萬邦蠻夷向風稽首來享蠢茲西戎昏迷不恭敢讎大邦誘遁逃之臣率犬羊之旅騷擾疆場凌劉邊陲哀兇鞠頑曠誅積稔神怒人憤勦李忠定公文集

卷之一

十一

矜有期爰命虎臣徃行天討惟爾六七帥臣實分闕外之寄爲予爪牙整我六師修整邊備奉指蹤之略遵制勝之謨靈旗西指此誠壯士功名之會也爾其振勵士氣奮張軍容繕甲兵具卒乘明號令信賞罰同士卒之甘苦習山川之形勢玩寇掌上視虜目中使戰必勝攻必取日百里以闢國月三捷而奏功肅清一方掃蕩巢穴流汝瀚海歸輿地之圖元惡大斃正藁街之戮以攄宿憤大震天聲時汝之績不其躋歟其或不恭邦有大刑朕不汝赦故茲詔諭想宜知

宋李忠定公文集選卷之二

山谷開書都命對香宋意邵武李綱伯紀著

明院城左光先羅生選

三山周之夔章甫訂

宗人李春熙皞如輯

書

與鄭少傳書

竊見方寇初作據歙睦兩界險阻之地與之結構者
數十人脅從之衆不過千計公然僭擬謀爲叛逆無
所忌憚當是時捕盜官司以實聞朝廷屯兵守隘徐
李忠定公文集 卷之二 一

圖討蕩必勝之策則賊乃凡上肉耳部使者報旣不
以實乃欲亟剪滅以速成功計輕慮淺屢爲所敗其
後悉聚浙兵屯於青溪後爲所破賊勢鴟張莫之沮
遏焚蕩縣邑放兵四掠不旬月間陷睦歙杭二郡一
督府談笑取之如入無人之地盜有府庫倉廩虜掠
婦女屠戮士民焚燒屋宇不可勝計原其所以致此
皆由奏報不實使朝廷不知其詳待爲常寇之過也
何以明之往年劉五起於淮南不過有衆數千人竄
伏山谷間當時命使督捕急於星火遣兵屯守以鉅
萬計尋卽殄滅此見朝廷除患之速今方寇悖逆叛

亂嘯聚兇徒非劉五之比而命使遣兵踰時方至此
有以知奏報不實致朝廷不知其詳者一也往年討
捕劉五監司逗撓不職例皆停廢此見朝廷督戰之
嚴今部使者坐失州縣首爲逃竄之計未聞顯戮以
勵其餘此有以知奏報不實致朝廷不知其詳者二
也近年劉花三起於閩廣不過劫掠邨落未嘗敢與
官兵敵然立賞格錢至萬三千緡官至武翼郎猶未
敗獲此見朝廷嫉惡之深今方寇公然叛亂建號敗
年陷浚州縣而其初立賞不過數千緡官止承信郎
此有以見奏報不實致朝廷不知其詳者三也夫盜

李忠定公文集

卷之二

二

賊乘間竊發何世無之所患者捕盜官司不以實聞
忽之不以爲事浸淫滋蔓養成亂逆其害有不可勝
言者今方寇勢已張熾不愛人命動輒殺戮能用其
衆藐然有輕視官兵將吏之心所指郡縣如期輒取
此必有狡獪智詐之人爲之謀畫未可忽也某去冬
道信州聞賊猖獗破浙兵焚青溪以輕舟躡使者分
兵攻掠郡縣竊以謂睦歙當賊巢穴前後相去不百
里守禦之具不固其勢必爲所陷乘銳以犯錢塘動
播浙西有可慮之勢未幾果聞其陷歙睦徑趨錢塘
則其智謀豈淺淺哉然賊能攻而不能守一時焚蕩

殺戮以快意而無固守之計此可以力戰復也傳聞錢塘陷後數日淮甸之兵適至賊棄城而去未知信否縱使不去亦當力爭錢塘有江山形勢之勝城郭完而民力庶東控會稽西鄣湖秀諸郡真設險之地也自錢塘以東貢輸運漕皆所取塗自錢塘以西地非不廣民非不衆然皆平原易野無山川城池之阻以爲捍蔽故復得錢塘屯兵以守之可以遏賊之勢而全二浙利無大於此者爲今之計破賊之策莫若擇良將遣重兵以臨要害之地此三者相須以成功者也有要害之地而無重兵以臨之則不守有重兵

而無良帥以統之則將士不用命誠擇威信素著有方畧之帥統重兵以臨要害因敵制變以圖進討則破賊形勢已定矣所謂要害之地者在二浙則錢塘在江東則宣城是也錢塘去睦宣城去歙遠不百里睦歙去賊巢穴亦遠不百里欲復睦歙非命帥統兵於錢塘宣城不可也欲蕩賊巢穴非復睦歙不可也若夫帥非其人及但委監司郡守以統制之不據要害之地而散兵他郡祇欲自保竊恐此賊難以指日削平矧亦未易制其衝犯也恭惟國家承平之久東南之民尤習治安不識兵革一旦狂賊放肆民心皇

皇莫有固志加以頻年水旱民力凋弊州縣追呼撥擾百出朝廷宜有以大慰安之者而剪除鯨鯢之計亦不可以不早定也自賊作以來百有餘日焚掠縣邑而邨落不復道攻陷州郡而縣邑不足言一路者積州縣而爲之者也此豈可習以爲常而不駭痛哉官兵未聞有捷奏而潰敗者屢矣借使賊徒曠誅假息更在數月之後兩路之民輟耕失業屯兵仰食坐有糜費國用必屈他路忽有竊發而應之者何以備禦此掃蕩之計所以不可緩也伏望少傅太尉相公以東南大計爲慮進對清燕之間極言敷奏賊勢有不可忽者擇帥遣兵進討有不可緩者使狂悖之寇速就誅夷江浙之民早遂底定天下幸甚某亦嘗致書宰執與此互見輒錄副本上呈以備採擇

與中書馮侍郎書

宣和三年正月日某頓首再拜中書侍郎閣下某竊以國家治安之久東南弛備郡縣類無城郭之固兵民不習戰鬪之事乃者狂寇乘間起於江浙之間曾未踰時戰敗官兵攻陷郡縣歛睦錢塘皆碎賊手可爲痛憤伏惟中書侍郎浙人也賊之所以猖獗官兵之所以失利郡縣之所以不守必已詳達鈞聽不復

瀕縷以陳第某罪戾之跡幸蒙赦宥獲遂北歸適當賊發之時道路驚恐崎嶇艱阻不可名狀竊思幸生太平之世而親遇駭聞之事夙夜惟念不勝憤懣嘗試策所以破賊者雖腐儒之常談然不可不察願試陳之以備採擇之萬一破賊之策大略有三擇良帥遣重兵以臨要害之地是也朝廷選用威信素著有方略之人不患無帥以虎符起畿甸他路諸將不患無兵惟是要害之地制賊之衝以圖進討不可不講某以爲要害之地兩浙在杭江東在宣何以言之賊旣陷睦則杭距之爲最近杭雖爲賊所殘然傳聞不

守復爲官軍所得借使未得亦當力爭而據之屯兵固守則跨浙東西皆有所恃可以進而取睦賊旣陷歙則宣距之爲最近宣雖賊所未至然居民皆已遷徙官吏亦爲遯逃之計急以重兵守之母爲賊得則瀕江諸郡皆有所恃可以進而取歙復取睦歙使賊不敢放肆退保巢穴然後兩路可以協力因利乘便同時進討剪除鯨鯢絕其本根此所謂地利不可失也夫命帥統兵臨要害以圖進討此策之必然者也至於入巢穴冒險阻與賊爭利於崎嶇山谷深林叢薄之間則恐非西北之兵所便也於此有策當起福

建路兵及廣行召募福建路槍杖手自衢入睦自信
入歙以攻賊於巢穴則必勝矣何則閩人趨捷勁健
耐辛苦而習步戰履峻險之地如履坦途尚氣而好
鬪以誅賞激之用其所長必得其力愚竊料之異時
破賊於巢穴者必此曹也然閩中比年以來民力尤
困惟朝廷權時之宜而優恤之罷不急之務以寬其
力必有仗節死難之士用命而立功者廟堂之議幸
留意於此某疎拙不材曩之遠屏孽乃自作幸蒙寬
宥得歸養親有田梁谿之上足以供伏臘今乃與賊
爲鄰金鼓之聲相聞士大夫之家率皆遷徙以避寇
親年高矣聚族幾千指亦將糊口於他郡惟望朝廷
通羣策擇其善者而從之克濟大憝救寧一方使與
避寇之人復得扶老攜幼以還故居雖畢此生得爲
太平之幸民亦足矣素蒙知遇之厚敢布腹心伏幸
裁察亦嘗致書宰執與此互見協贊機務之暇願試
取觀之愚者千慮庶幾一得于冒威嚴無任皇懼

與梅和勝侍郎書

某遠去言教涉三年矣前年夏以愚觸罪蒼黃去國
平時交遊至厚者往往不復通問獨吾和勝送餞于
門款曲終日非高義絕人遠甚欲啟薄俗而重僚契

曷能及此銘刻于心未易殫敘別後聞公峻陟從班
屢被寵渥喜而不寐念欲具尺牘致賀謝之誠以通
殷懃而遠屏海隅筦庫征商之外杜門省咎京師親
故書問一切廢絕用是不果辱愛念素厚當不以此
加譴也去冬蒙恩旣削罪籍復還故資無九年之謫
而有三釜之養方竊欣幸將自閩中道浙東省親毗
陵適聞方寇竊發于睦屢敗官軍賊勢猖獗道梗不
通遂謀迂路由江南以歸又值黠歙爲賊所陷瀕江
諸郡紛然驚擾卹落間盜賊蜂起借殼勢以劫掠者
不可勝計間關險阻自饒信抵池陽偶得一舟涉長

李忠定公文集

卷之二

七

江冒風濤之險幾月而後達金陵又聞錢塘失守爲
盜所據其去毗陵不數百里士大夫家皆遷徙以避
寇勢須奉親挈族餽其口於他邦四顧茫然未知稅
駕之所由此觀之其艱危惴惴憂愁之狀爲如何耶
用是數月以來髭髮漸有白者志氣衰落不復如往
時矣行年四十於夢幻不實之境獨驚噩如此何以
堪之一身不足道也所可念者上有高年之親下有
千指之累捨去田園未知適從以吾一身一家幸無
恙猶且憂懼擾攘如此因思歙睦錢塘三郡十餘縣
士民之家以億萬計橫遭屠戮肝腦塗地其酷毒爲

如何每一念此不覺淚之承睫和勝鄉里與賊境接
不百里當稔聞其詳大槩賊作之初捕盜官司意在
掩匿不以實聞措置乖方浸淫滋蔓遂致於此爲今
之計莫若擇帥遣兵據要害以圖進討下寬大之詔
使鄰賊州縣之民知上德澤此則急務竊不自揆以
書達宰執諸公論此數事輒以彥爲一書煩和勝達
之庶幾無阻滯之患區區愚慮或能裨補萬一餘書
亦錄副本浼呈以書意互見恐其欲知本末也千萬
勿以示他人爲幸交遊中平谷所畏服者獨吾和勝

前年試闈廊廡間語端不虛發何哉士大夫所養以

李忠定公文集

卷之二

八

氣爲主平時如虎猶恐其臨事之如鼠况復沁沁混
源惟知佞柔以媒富貴餘何足觀每讀前史見古人
立名節大率以氣作之和勝剛介自喜胷中之氣常
勃勃然宜其臨事不苟挺挺有古烈風也自公登禁
從士夫稱誦不容口及見謝章鯁亮奮厲使人增氣
但恨遠方不知在掖垣瑣闥所論何事以平日料之
必有可觀然方今居可言之地者論事當以天下大
利害生民大休戚爲本至於掇擊一二士夫此未足
道願公勉之侍從之臣皆以論思獻納爲職而任天
下之責和勝勿謂遷南宮侍郎遂可安枕而臥富貴

易得名節難立當此時處此位勿使天下指爲善保
富貴之人乃所望於左右也某素迂拙加以譴逐以
來多病早衰不堪世用區區之志惟望朝廷早殄此
賊更冀故人勉輔聖主以福斯民得與樵夫田叟同
被餘潤夫復何言此外千萬良食自重

豐陽與許崧老書

某待罪豐陽纔息肩復聞有海南之行不勝皇懼束
裝俟命卽上道然傳報已久而命猶未至益以震悚
章疏不知曾見否大槩以六事爲言其五皆靖康往
事其一謂旣罷黜不當迂路歸無錫且與縣官飲宴
李忠定公文集

卷之二

九

惠山復資囊士人上書詆朝政得失冀復召用所以
屏之海外坐此而已方建炎秋八月丐罷相而歸至
十一月始有落職居武昌指揮則當其未謫數月間
不歸其家將安歸乎惠山乃靖康間所賜以爲功德
院一詣飯僧初未嘗與縣官飲宴也至資囊士人上
書言事冀復召用此豈理也哉是身許國已久方宣
和末變故洶湧及靖康中讒謗沸騰分甘死矣得逮
今日皆其餘也豈復吝惜然聖主在上睿智日躋如
日中天而萬物畢照終冀蒙察死且不朽自古賢智
不能自免者多矣况以疎陋之姿而值艱危之際進

不量其才力選至於顛隳罪大謫輕夫復何道前蒙
借示春秋集傳玩味諦繹心舒目明不能去手此書
黯闇久今乃燦然非精思深考超詣自得何以至此
歎服無已輒作數百言書于後引之未未知是否殊
愧率爾也然前書所謂猶有疑者竊恐未免有求之
太備索之太過處而三傳之說亦有邈然與經相違
者正當信經而不信傳痛刪去之然後聖人之意明
不當尚取其近似之說以虧一簣之功願試陳一二
以質所疑孔子因魯史而作春秋於史之闕則亦闕
之所謂信以傳信疑以傳疑故曰吾猶及史之闕文

李忠定公文集

卷之二

十

也若桓四年不書秋冬十五年夏五不書月十七年
五月不書夏此皆史之闕文故聖人因而不書以志
闕若於不書秋冬不書月不書夏取諸成歲及辰計
之數求其義而爲之說則恐求之爲太備孔子作春
秋於天地災祥必謹書之使畏天者知其故而恐懼
修省故曰天垂象見吉凶聖人象之若書常星不見
夜中星隕如雨地震山崩之類此皆德政不修有所
感召而然故聖人書之以記災若於常星不覓夜中
星隕如雨言霸統將興而兆齊小白於甲辰甲午地震
言素王終始而生死孔子於沙麓崩言晉文公將霸

之祥而地理決則恐索之爲太過三傳之說固有與經相違而可信者如經書趙盾弑其君而傳言盾之罪在於出不越境反不討賊而已經書許世子買弑其君而傳言買之罪在於不嘗藥而已弑君大惡也聖人正其罪而書之豈苟然哉雖三傳之說與經不同或可信者近於義故也至經書襄七年公會諸侯於鄆鄭伯髡頑如會未見諸侯丙戌卒于鄆而傳言子駟殺之左氏謂子駟忿鄭伯不禮使賊夜弑僖公以瘡疾赴于諸侯公穀則謂鄭伯將會諸侯以從于

也夫以不禮於其君與其所從不同之故遂成弑君之惡恐不若是之甚左氏載八年楚師伐鄭子駟子國子耳欲從楚子孔子憍子展欲待晉子駟曰民急矣姑從楚以紓吾民晉師至若又從之敬共幣帛以待來者小國之道也犧牲玉帛待於二境以待强者而庇民焉寇不爲害民不罷病不亦可乎由是觀之則子駟亦無必從楚之意將會諸侯遂先弑其君何哉左氏第言子駟弑僖公初不言經所以不書之義而公穀言之夫春秋二百四十年間弑君三十六孔子皆正其罪而書之弑君而賊不討則不書弑以責

其臣子今書鄭伯髡頑如會未見諸侯丙戌卒于鄭
又書葬鄭僖公則僖公欲會諸侯未見而卒爾理甚
明白三傳之說皆不可信當悉刪去之以經爲信可
也某嘗謂介甫作字說其發明義理之學甚深然人
得以議之者以求之太備故也古者六書有象形諧
聲轉注假借會意之類而一切以義訓之故不免有
穿鑿之患然則春秋因史之闕文略而不書者存而
不論勿求之太備則善矣又嘗謂漢儒言災異其指
陳天人之際甚明然後世得以議之者以索之太過
故也惟先格王正厥事觀天地之變則側身修行以
李忠定公文集 卷之二 十二

應之而漢儒一切引類爲之說故不免有附會之美
然則春秋於天地之災祥謹而書之者論其大意而
不索之太過則善矣孟子曰盡信書不如無書三傳
表成取其二三策而已信道之篤取舍於經者適如
此而況於傳乎三傳獨左氏躬見魯史公穀乃得於
傳授春秋書尹氏卒以譏世卿左氏乃言尹氏爲隱
公之母善學春秋者所弗取則鄭伯之弑詎可信哉
是三者竊意以爲如此未敢必也承切磨之諭故不
敢自隱或有可採願無以人廢言其或未然却告垂
誨幸甚方幸江湖間相去不遠書問徃反可以資講

貫之益今乃屏之海外邈無還期世路方艱千萬爲
此道自重不宜

海康與許松老書

某頓首啓松老右丞兄侍史湖外人來伏領中夏所
賜教墨竊審動靜感與慰并秋高江外氣候已涼
惟燕處多裕鈞候多福某以黎寇未靖尚駐海康官
軍進討賊勢稍衰早晚遂南渡矣自抵嶺海幸與
子無恙然從者物故過半瘴癘之鄉真可畏也蒙
諭之厚銘佩無已示易書象象并論語法言訓詁
已領離羣索居之久得聞所未聞於蠻夷寂寞之濱
李忠定公文集

卷之二

十三

恍然如奉言色喜可知也憂患中讀易如管中窺豹
時見一斑輒以所妄見者爲之傳又著釋象訓辭明
變類占衍數諸篇解剝易體非敢謂足以垂世成一
家言聊以自娛忘憂永日而已常恨羈囚末緣求教
近於元中處盡傳盛著遂獲窺尋微旨證其所合而
考其所不然者幸甚幸甚卓見洽聞發明難言之意
多矣然有未能無疑者求於大象似太深而求於彖
爻之象似未備也嘗作書與元中論之今錄徃又嘗
設所著釋象中數十條致元中處戒其勿他示唯因
風錄致左右願試取觀之可見大槩庶幾千慮或有

得焉觀易之象正猶觀天辨其分域察其名數然後
吉凶妖祥可得而占不然則以斗爲箕以角爲尾以
紫微之垣爲三光之廷其相去遼絕可勝言哉觀象
然後可以得意得意然後可以忘象而近世學者因
王弼筌蹄之說皆廢象而不談此所以多失聖人之
旨也互體卦變見於春秋傳所載占筮之言皆古法
不可廢也漢魏間言易者泥於象而不求義其所取
迂闊多失聖人立象之本意而自輔嗣以來一槩以
義而不求象不得辭之所指因以失義者亦不爲少
要之二者兼乃有得嘗試卽彖爻之象審而觀之其

所以示人者蓋燦然矣况以高明之識精深沈鬱之
思洞視而熟察之其所得遂將超軼絕塵何可跂及
耶所謂彖爻之象者元中書已論其略今試及其一
二姤之女壯象在乾巽乾健也巽長女也一陰初生
已爲長女而健此女壯之象也晉之康侯錫馬蕃庶
晝日三接象在坤離離日也坤牝馬也坤比於離以
柔順得君康侯錫馬蕃庶晝日三接之象也餘卦皆
然第或取互體或取卦變或取卦爻爲不同耳爻象
蓋亦如此然又有相因以取象者如益六四利用爲
依遷國則初九利用爲大作所謂大作者如盤庚之

厥攸作視民利用遷定之方中作于楚官者是也損
上益下正在此爻故其象取於遷國大作亦猶損六
三之爲得友而上九之爲得臣無家也有相反以取
象者如頤之初九以陽在下有自養之才然居動體
則不能守之以靜故爲舍爾靈龜觀我朵頤六四以
陰在上資物以爲養然居止體則有以靜養其威之
意故爲虎視眈眈其欲逐逐龜伏氣虎食肉相去遠
矣動止殊而吉凶異亦猶大過九二之爲枯楊生稊
九五之爲枯楊生華也凡此之類不可以一端求因
象會意乃知聖人立象之妙唯變所適而不可窮也

李忠定公文集

卷之二

十五

所謂卦體者頤損益外實中虛有離之體故爻象取
龜大壯外柔內剛有兌之體故爻象取羊之類是也
所謂卦變者變蠱之六五以爲九五則蠱變而爲巽
故其象以先甲後甲爲先庚後庚變明夷之六四以
爲九四則明夷變而爲豐故其象六五上六以暗在
上爲見斗見沫之類是也凡此合一卦以觀然後得
之亦猶頤中有物曰噬嗑小過有飛鳥之象時一見
之使學者精思而後得焉妄謂如此未知然否願有
以警誨之幸甚論語法言訓故發揮妙理脉絡貫通
正得古人立言之旨甚善論語皆聖賢言行之要惜

乎近世以爲童稚所習而弗深考也道途間因爲小
子講解謾著其說頗是正舊訓之失如井有仁焉之
井不施其親之施凡百餘條今錄十數章徃以丐鑿
裁或有可取當令小史以拙筆故楮盡書之以致几
格間也世故方爾吾儕唯當益求性命之理守死筭
道耳餘復何言詔令旣下想見士夫遷徙紛紛念之
心折豫章遂爲都會分寧僻遠自不相關從者不
更他徙否得舍弟輩六月初書已辨來江外不知
復如何族大累重一遷自非易事也聞杜門謝客唯
以著述爲事不勝歎仰儒書訓釋旣當不若於佛書
李忠定公文集

卷之二

十六

中發其妙意雖見性了心不立文字然法門差別理
事通融徧參自亦無礙大抵訓釋前言蓋專以爲已
非爲人也塊處海島旣遠朋友漸摩之益又無書可
觀其遂君子之棄而小人之歸乎會晤無期可量情
跂切冀良食自厚因張漕人還寓書以承動靜不宣

又別幅

來教謂設卦觀象而繫之辭故辭皆自象生說易者
之謬妄不難窮者以有象質之也又金石草木和合
爲藥寒熱燥溼體性頗殊六十四卦三百八十四爻
字字有象此言盡之矣至謂互體不足取則似不然

求易之象於正體互體卦變卦畫時來俯仰之類皆不可廢者若禘於正體中求卽不合者多必爲之說却成牽彊如觀之盥而不薦震之七鬯剝之牀廬歸妹之虛筐皆俯仰也臨之八月復之七日賁之相文咸恒損益之上下皆時來也噬嗑之頤中有物鼎之象大過之本末弱小過之飛鳥中孚之豚魚皆卦畫也井之改邑不改井同人之于野巽之先庚後庚皆卦變也取于互體者尤多如晉有艮體則爲鼠巽有兌體則爲巫鼎有乾兌則爲得妾以其子履有離巽兌則爲跛眇如此之類蓋不可勝舉以三十卦考之

李忠定公文集

卷之二

十七

噬嗑正體離震互體坎艮離日也取諸龜貝之屬也

震動而艮止也坎衆也此所以爲日中爲市致天下

之民聚天下之貨交易而退各得其所之象也豫正

體坤震互體坎艮坎爲盜坤順也艮止也所以爲門

闕也震動而有聲也動乎門闕之間而有聲順以止

之此所以爲重門擊柝以待暴客之象也餘卦皆然

可思而得也互體取象曷可少哉又觀乾兌爲夫百

官以治萬民以察而得兌爲附決之說兌乾爲履以

柔履剛以剛啞柔而得九五爲夫履之說如是者不

可勝窮然後知易之變一寓於象而觀象之妙一寓

于變執一端以求之則差矣願以精深之思索於此
數者之間必有神會而默契者其或未然亦望誨諭
幸甚

泰寧與許右丞書

區區羊族寓居鄉邑目前粗遣鄰境巨盜稍就招納
勇效尤者紛紛蜂起未知得莫居否方今豈敢懷安
流行坎止姑隨緣耳去冬傳報江上擾攘及分寧武
寧良用懸情繼聞羣寇卽退深隱山谷當無驚虞不
知且復安處唯別圖所適四游橫流其勢未艾吾儕

正當遠引猶之奕者須觀局勢不可留滯一隅以貽
李忠定公文集 卷之二 十八

後悔也幸熟思之學易不言象而象在其中此誠至
論然要須觀象無所差忒乃可若謂舍象而能得意
則恐未然春秋推明災異此正聖人所以和同天人
之際者前書不欲措事謂如山崩而兆霸統地震而
興素王恐難以必學者之信後世山崩地震多矣霸
統不立素王不作有詰此者將何以解之大抵天地
之變五行之祥各以其類應蓋氣之先至者猶病在
五臟而善醫者察色按脉而知之通古今一理也宣

和巳亥都城之水實兆靖康兵革之災嘗觀開元傳
信記載祿山未亂前數年長安大水幾冒城郭乃知

天之告人如此之審非有物使之氣之自應若合符
節論災異者不必過求直以類推則得之矣因論
故及此頃在海上取自其和訖于五季史家所載天
地五行變異續爲一書雖未成就然已有可觀篇帙
浩大陸塗不能將卽附海舶來閩中寄沙陽一相識
家到此未暇取近傳盜賊焚劫未知存否儻得藁沓
尚存編摩成書庶幾有補于世願丐一言冠篇首不
朽之傳誠有賴也還家幾年矣日困人事筆硯遂
疎得有定居之所復理故學且從者寓止稍相近可
以時從質問何幸如之元中久不通問遠寓瘴鄉殊
李忠定公文集

卷之二

十九

使人念之然無寇盜之虞未爲非策也李道夫珪老
時過從否春氣浸暄敢冀爲天一自重謹上狀不宜

